

## Diehtojuohkin vánhemíidda skuvlabirrasa birra

Buot ohppiin lea riekti oadjebas ja buori skuvlabirrasii mii ovddida dearvvašvoða, loaktima ja oahppama. Dat guoská sihke fysalaš ja psykososiála skuvlabirrasii.

### Skuvla galgá fuolahit ahte ohppiin lea oadjebas ja buorre dilli skuvllas

Lea ohppiid iežaset vásáhus das movt sis lea dilli skuvllas mii lea mearrideaddji.

Buohkat geat barget skuvllas galget čuovvut mielde lea go ohppiin buorre dilli skuvllas. Jus muhtin rávisolmmoš skuvllas diehtá – dahje vároha - ahte muhtin oahppi givssiduvvo, bieguhuvvo dahje eará láhkái ii leat buorre dilli skuvllas galgá son álohi.

- bissehit loavkašuhtima ovttatmanu, jus dat lea vejolaš
- dieđihit rektori
- iskat dan mii lea dáhpáhuvvan

Rektoris lea ovddasvástádus ráhkadir plána ja ásahit doaimmaid nu ahte oahppis fas šaddá oadjebas ja buorre dilli skuvllas. Dát gohčoduvvo skuvlla aktivitehtageatnegasvuhtan.

### Movt dalle jus muhtin bargi skuvllas loavkida oahppi?

Jus oahppi vásicha ahte oahpaheaddji dahje eará gii bargá skuvllas givssida dahje loavkida, de lea skuvllas liige ovddasvástádus čuovvolit ášši. Rektor galgá dalle dieđihit skuvlaeaggádii, mii čuovvola ášši viidáseappot.

### Dieđihit ášši fylkkamánnái

Jus don dahje du mánná oaivvildeahppi ahte skuvla ii leat bargan doarvái bisseheamis loavkidemiid, de sáhtát dieđihit ášši fylkkamánnái.

- Álggos fertet váldán ášši rektoriin skuvllas.
- Ferte gollan vahkuu dan rájes go váldet ášši rektoriin.
- Ášši galgá guoskat skuvlabirrasii dan skuvllas gos oahppi lea dál.

Jus leat áibbas sierra áššit, sáhtát goitge váldit oktavuoða fylkkamánniin dan fylkkas gos don orut.

### Maid sáhttá fylkkamánni dahkat?

Jus fylkkamánni oaivvilda ahte skuvla ii leat bargan dan maid galget, de sáhttet sii mearridit maid skuvla galgá dahkat vai oahppi oažju oadjebas ja buori skuvlabirrasa. Fylkkamánni galgá mearridit áigemeari goas doaimmat galget čađahuvvot ja čuovvolit ášši. Sii sáhttet maid sáhkohit jus skuvllat eai čađat doaimmaid.

## Diehtojuohkin mánáide, nuoraide ja vánhemidda givssideami ja rivttiid birra

Neahttasiiddus [www.nullmobbing.no](http://www.nullmobbing.no) gávnnat dieðuid dárogillii makkár rievtit ohppiin ja vánhemii leat, ja maid olmmoš sáhttá dahkat jus okta oahppi vásicha givssideami.

### Buot ohppiin lea riekти oadjebas ja buori fysalaš skuvlabirrasii

Skuvlla fysalaš skuvlabiras fátmmasta sihke skuvlavistti siste ja olgobáikki skuvlla birra. Buot ohppiin lea riekти oažut bargosaji mii lea heivehuvvon su dárbbuide. Go skuvla bierggastuvvo, de galgá vuhtiiváldit doaibmahehttejuvvon ohppiid.

Jus don oaivvildat ahte fysalaš skuvlabiras ii leat doarvái heivehuvvon, sáhtát váldit oktavuođa skuvlla rektoriin. Skuvla galgá dalle geahčadit ášši ja dahkat eanjkilmearrádusa. Jus skuvla ii čuovvol ášši eanjkilmearrádusa dahkamiin, de sáhtát váidit fylkkamánnái.